



Frå redaktøren

Om stykka i dette nummeret og fagfolk som skal takkast

1. Denne utgåva

Denne utgåva av Norsk Lingvistisk Tidsskrift er sær innhaldsrik. Det er fem vitenskaplege artiklar (mellom anna ein tått) om ymse emne, og det er tre bokmeldingar. *Harry Solvang* skriv om japanske lånord i norsk, og deler dei inn i semantiske kategoriar som dekkjer tema frå musikk via mat til kampsport. *Marit Julien* argumenterer for at langdistansebinding i norsk alltid er logoforisk, dvs. at dei obligatorisk er koreferensielle med den personen som er kjelda til eit utsegn eller eit tankeinnhald. *Johan Brandtler* fortset diskusjonen om preverbale adverbial, som vi publiserte i NLT i tre artiklar i 2017 og 2018. *Helge Sandøy*, *Philipp Conzett*, *Gjert Kristoffersen* og *Agnete Nesse* skriv i stykket sitt eit svar til artikkelen Sverre Stausland Johnsen hadde i *Norsk Lingvistisk Tidsskrift* nr. 1–2019 om boka deira, *Mønster*, som er første bindet av *Norsk språkhistorie*. *Kari Kinn* diskuterer i tåtten sin possessivkonstruksjonar som *Anne min*, som uttrykkjer psykologisk nærleik.

Ewa Data-Bukowska har meldt *Norwegian. A Comprehensive Grammar* (2018) av Philip Holmes and Hans-Olav Enger. Elisabet Engdahl har meldt *The Syntax of Mainland Scandinavian* (2019) av Jan Terje Faarlund, medan Kristel Zilmer har meldt *The Runic Inscriptions of the Isle of Man* (2019) av Michael P. Barnes. Det er flott å sjå at alle tre bøkene får god omtale.

Det er ei stor glede å vere redaktør når lingvistane både her i Noreg, i nabolanda og i det store utlandet finn det meiningsfylt å sende inn artiklar til tidsskriftet.

2. Fagfolk som skal takkast

Ein kan ikkje tenkje seg eit vitenskapleg tidsskrift som ikkje har grundige fagfellevurderingar. Utan fagfellane har ein ikkje noko vitenskapleg tidsskrift. Det er fagfellane som sikrar at stykka som skal prentast, inneheld fagleg forsvarleg innhald, at dei har gyldige og oppdaterte referansar til andre relevante arbeid,

at dei inneheld ny forskning som er interessant for forskarar innan fagfeltet, at dei ikkje er kopiar av arbeid gjort av andre, og at dei har brukt gode metodar på ein riktig måte. Sidan fagfellane er så viktige, nemner vi dei med namn, men berre av og til, slik at ingen artikkelforfattar skal kunne vite kven som var fagfellen for akkurat stykket deira. Vi takkar fagfellane nedanfor, som har lese og kommentert stykke som har vorte publiserte frå 2017-1 til og med 2020-1, det vil seie sju nummer, inkludert temanummer:

Nicholas Allott (UiO), Gisle Andersen (NHH), Øivin Andersen (UiB), Maia Andréasson (GU), Erik Andvik (UiB), Norunn Askeland (USN), Ash Asudesh (RU), Kristin Bech (UiO), Kristine Bentzen (UiT), Ivar Berg (NTNU), Signe Rix Berthelin (NTNU), Heidi Brøseth (NTNU), Liz Coppock (BU), Evie Coussé (GU), Anne Dahl (NTNU), Lars-Olof Delsing (LU), Simon Dobnik (GU), Helge Dyvik (UiB), Kristin Melum Eide (NTNU), Eli Anne Eiesland (USN), Lena Ekberg (LU), Þórhallur Eypórsson (HI), Ole Torfinn Fagerli (NTNU), Ingrid Lossius Falkum (UiO), Ruth Vatvedt Fjeld (UiO), Mona Forskåhl (AUAS), Maria Fremer (SI), Jan Terje Faarlund (UiO), Anne Golden (UiO), Kristin Hagen (UiO), Arthur Holmer (LU), Stian Hårstad (NTNU), Ernst Håkon Jahr (UA), Torben Juel Jensen (KU), Eva Skafte Jensen (Dansk Sprog-nævn), Sverre Stausland Johnsen (UiO), Gunlög Josefsson (LU), Marit Julien (LU), Kari Kinn (UiB), Georg Kjøll (Cappelen-Damm), Carola Babette Kleemann (UiT), Eva Klingvall (LU), Ida Larsson (UiO), Jan Lindström (UH), Björn Lundquist (UiT), Helge Lødrup (UiO), Signe Laake (OM), Tore Nettet (UiT), Randi Alice Nilsen (NTNU), Rikke van Ommeren (NTNU), Toril Opsahl (UiO), Michael Riessler (UH), Marit Olave Riis-Johansen (NTNU), Håkan Rydving (UiB), Hilde Sollid (UiT), Ulla Stroh-Wollin (UU), Torbjörn Söder (UU), Åshild Søfteland (HiØ), Kaori Takamine (UiT), Rolf Theil (UiO), Christoph Unger (NTNU), Sten Vikner (AaU), Mikael Vinka (UmU), Arnfinn Vonen (OM), Øystein Alexander Vangnes (UiT), og Tor Åfarli (NTNU).

Til slutt vil eg nemne at Kari Kinn no har trekt seg som redaksjonssekretær, i samband med at ho har takka ja til ei stilling som fyrsteamanuensis ved Universitetet i Bergen. Ho skal ha stor takk for arbeidet ho gjorde gjennom fleire år! No tek Signe Laake over. Ho er fyrsteamanuensis ved OsloMet - Storbyuniversitetet og har vore redaksjonssekretær i NLT tidlegare, så ho er røynd og veit kva ho går til. Eg vil takke henne for at ho vel å kome attende.